

HIERONYMUS.

ΕΥΣΕΒΙΟΣ.

EUSEBIUS.

tibus hostes suos Moabitas, Ammonitas, Idumæos arma in se mutuo vertentes suis ipsorum gladiis confectit, 2 Paral. xx. vss. 20, 21, 22, 23.

VALLIS BEN ENNOM. Vide supra BEN ENNOM.

VALLIS BOTRI. Vide NEHELESCOL.

Φάραγξ βότρυος, ὅθεν οἱ κατάσκοποι ἔλαβον καρπὸν εἰς δαῖγμα τῆς γῆς, ἥτις λέγεται εἶναι ἡ Γοφνὰ, ἀμπελος ἐξημευομένη, ἀπέχουσα Αἰλίας σημεῖοις ἰε', κατὰ τὴν ὁδὸν τὴν εἰς Νεάπολιν ἀγούσαν. ζητεῖται δὲ, εἰ ἀληθὴς ὁ λόγος.

Φάραγξ Εὐνώμ, γῆ Εὐνώμ ἐβραϊκῶς. διότι τινὲς φασὶν εἶναι γέενναν. παράκειται δὲ τῇ Ἱερουσαλήμ. λέγεται δὲ εἰς ἔτι νῦν φάραγξ Ἰωσαφάτ.

VALLIS BOTRI, unde exploratores acceperunt fructum pro indicio illius terræ, quæ dicitur esse Gophna, quam interpreteris vineam, distans Ælia quindecim miliaribus juxta viam quæ ducit Neapolim. quæritur vero an verus hic sermo.

VALLIS ENNOM, terra Ennon, Hebraicè. idcirco quidam ajunt esse geennam. vicina est Hierosolymis, & dicitur usque hodie vallis Josaphat.

VALLIS CASIS, urbs in tribu Benjamin, Jos. xviii. vs. 21. Vide AMEC CASIS.

VALLIS CEDRON. Vide CEDRON.

VALLIS FILII ENNOM, vel FILIORUM ENNOM. Vide in BEN ENNOM.

VALLIS GIGANTUM. Vide COELAS TITANORUM.

VALLIS JEPHTAH, est in confinio duarum tribuum Zabulon & Aser, Jos. xix. vs. 14, 27.

VALLIS JEZRAHEL, ita dicta vallis à civitate quondam regia *Jezrahel* in tribu *Issachar*, ab Occidente in Orientem procurrens, inter montes *Hermon* & *Gelboë* posita, desinensque in *Aulonem vallem*. Vide supra JEZRAHEL.

VALLIS ILLUSTRIS, eadem est, quæ *Aulon* dicta fuit, de qua supra in AULON.

VALLIS JOSAPHAT, eadem quæ *vallis Cedron*, ad Hierosolymitanæ urbis Orientem inter urbem & montem Oliveti. Vide supra CEDRON.

VALLIS LACRYMARUM, de qua loquitur Psalmista Psalmo lxxxiii. vs. 7. vel ad quam alludit juxta varias istius loci interpretationes, est locus ille, qui dictus est Judic. ii. vs. 1, 5. *locus fletuum* vel *lacrymarum*, ad occasum montis *Sion* & *Vallis Raphaim*. Vide quæ à nobis ibi dicuntur.

VALLIS RAPHAÏM. Vide COELAS TITANORUM.

VALLIS REGIS, ad Orientalem urbis Hierosolymitanæ plagam nonnullâ ad Meridiem inclinatione, ubi erant & *horti regii*, duobus, ut inquit Josephus Lib. vii. Ant. Judaic. Cap. 9. *dumtaxat stadiis ab urbe distita*.

VALLIS SALINARUM, vallis est in Idumæa, de qua & supra in GEMELA dictum est.

VALLIS SAVE, eademque gemina legitur in Scriptura; Gen. xiv. vs. 5. & vs. 17. una apud Moabitas *trans Jordanem*: altera *cis Jordanem* juxta Hierosolymam, quæ & alio nomine dicta est *Vallis regis*. Vide supra in SAVE.

VALLIS SEBOÏM, in tribu Benjamin ab urbe *Seboim* nuncupata. Vide SEBOÏM.

VALLIS SENNIM, in tribu Nephthali, juxta *Cedes Nephthali*, ubi Haber Cinæus, & Jalehejus uxor habitabant, ad quem locum cum ex fuga anhelus pervenisset Sisara, & ex lassitudine obdormisset, eum Jaleh adactis in ejus tempora clavo, pertrebratoque ejus cerebro interfecit, Judic. iv. vs. 9, 10, 17, 21.

VALLIS SILVESTRIS, in regione *Pentapoleos* fuit, in qua nunc est *mare salsum*. In hac valle à quatuor regibus adversum Pentapolitas acriter dimicatum est Gen. xiv. vs. 3, 8, 9, 10, 11. victique Pentapolitæ. De ratione nominis diximus Gen. xiv. vs. 3.

VALLIS SOREC. Vide supra SORECH.

VALLIS TENDENS ET IN TRANS PROCUL, Deut. xi. vs. 30. eadem est, quæ *Vallis illustris* & *Aulon* dicta fuit. Vide supra in AULON, & quæ nos diximus Gen. xii. vs. 6. ubi de hisce omnibus nominibus & nominum ratione diximus.

VALLIS TEREBINTHI, in tribu Juda, in qua David cum Goliath gigante singulari certamine dimicavit 1 Reg. xvii.

VILLA EMONA, urbs in tribu Benjamin. Jos. xviii. vs. 24.

VILLA ENAN. Vide EMAN.

ULAI, Dan. viii. vs. 2, 16. versio nostra videtur *portam* facere in Susis urbe vel castro, qua in versione videtur Hieronymus Septuaginta Interpretes sequutus, ut in commentario ipse indicat. alii Hebræam vocem *אובל* *Ubal*, quam *portam* Hieronymus & Septuaginta Interpretes vs. 2. verterant, *paludem* reddiderunt, inter quos est Symmachus, quomodo & Hieronymus eandem vocem vs. 3. ejusdem capitis reddidit. alii *rivum* vel *fluvium* verterunt. Et hoc postremum ad rei veritatem fortè quàm proximè accedit, ut passim viri quique doctissimi volunt: satis enim constat ex Ptolemæi tabulis & Plinio ibi fuisse *flumen Euleum*, de quo ita Plinius Lib. vi. Cap. 27. *Susianen ab Elymaide determinat amnis Euleus, ortus in Medis, modicoque spatio cuniculo conditus, rursusque exortus, & per Mesobotemem lapsus, circuit arcem Susorum ac Dianæ templum angustissimum illis gentibus: & ipse amnis in magna est ceremonia, siquidem reges non ex alio bibunt, & ob id in longinqua portant*. Quod postremum etiam habet Strabo sub finem Lib. xv. qui id regum luxui & delitiis tribuit, quod aquam ex Eulæo tantummodo biberent, cujus rei & rationem reddit, quod ea esset omnium